



QVÆSTIO MEDICA.

CARDINALITIIS DISPUTATIONIBVS
MANE DISCVTIENDA, IN SCHOLIS
Medicorum, Die Iouis xvi. Martij.

M. NICOLAO PIETRE.
DOCTORE MEDICO,
Decano, Moderatore.

*An febre continuâ incipiente, vnâ erumpentibus stata
periodo mensuris, Basilica potiùs quàm Saphena
secunda?*

I.

FEBRIS accensa primum in corde, mox
sefe in omnes corporis partes diffundit, si
plures persistat dies, nec antè desinat, quàm
fuerit omnino extincta, *συνεχὴς* dicitur: pa-
bulum illi suppeditat putredinis vitio la-
befactus sanguis, ille cùm simplex non sit,
nec vniufmodi putredinis ratio, varias pro-
fert febris continuæ species, synochum putrem, *καὶ ὕστερ, τε-
ταροφύη*, his accensetur à plerisque semitertiana, intermittens

Editio secunda, anno 1647.

A

102
 potiùs habenda. Putret sanguis in maioribus venis, iis præcipuè, quæ cordi propinquæ sunt, vt quæ minores, & à corde semotiores sunt venæ, putà narium, sedis, vteri, huius fomitis febrilis nihil aut minimùm contineant. Hinc fit vt hæmorrhagia critica, quauis ætate, febrem vix vnquam soluerit: plerumque nocuerit quouis febris tempore, etiam melancholicis, aperta hæmorrhoids: mulieri iam primùm febricitanti nunquam profuerit menstrua purgatio, vt ea, statâ etiam periodo, ἀναίμα, prodeat.

II.

FEBRIS cum primum insilit, quandôque sola est, quandôque illi assident plures affectus, graues, leues: veternus, vomitus, animi deliquium, ecchymata, capitis dolor, nec inde funesta, salutarisve censenda: plerosque rapuit vis effera febris, qui eâ incunte se febricitare nescirent; conualuere plurimi, quos sui primordio febris penè oppresserat grauitate symptomatum: vt ex febris initio, quis illius sit futurus exitus, secundus, aduersus, non facîle sit Medico prospicere, in eo vix nonnunquam illa consistit, modò nata, mox viget, sæpiùs moratur, morandi causam innectit pepasmus difficilis, vt quandiu febrilis humor immaturus extiterit, febris incipere dicatur.

III.

FEBRIS *κατ' ἀνάγκην* est ἀσθενέων, naturam tamen superat, eamque priuat quidlibet audendi potestate, vt excretionem nullam valeat suscipere, nequeat vllam actionem perficere: innatus calor naturæ vires, & magna potentia solus, igneus iam est & febrilis: tùm febris duntaxat impulsu splendida bilis vomitu secessiue effunditur: serum sudore propellitur: sanguis fugit venis, & erumpit stata etiam vice, & viis quas natura terit sæpius, naribus, hæmorrhoidibus, vtero: insistit scilicet morbus quandoque naturæ vestigiis, illiusque sectatur *ἀνέκαστος* atque hac rectè specie,

IV.

KA TAMHNIA sunt sanguis, qui mense quoque naturæ lege, non lunari ratione, per locos fertur, purus est & benignus; illius tamen ^{exoptanda} mulieri cum vacuæ, tum gravidæ (quæ eo nomine sana est:) in nutrice etiam non damnanda, profutura plurimum si certo procedat circuitu: at ipso febris initio, si illa contigerit definitâ etiam die, nec solatio, nec remedio esse potest. Etenim qui profluit sanguis nullâ febrili labe est aspersus, etsi corruptus ille esset, non maturus excerni: nec eo leuior sit febris, sæpius illa ingrauescit, sequuntque magis symptomata, ut menstruam purgationem periodicam, quæ feбри incipienti accesserit, nullâ arte promouere debeat Medicus prudens, & mulierum salutis consultus.

V.

FEBRIS continuæ curatio phlebotomiâ perficitur, cædenda præcipue Basilica: expedita illius sectio, ampla est, febrili vicina loco, nec procul remota à præcipuis corporis partibus, ut calecta citissime refrigerij plurimum cordi, æstu febrili accenso, comparetur, febrilis humoris multum euacuetur, vnaque cerebro, thoraci, visceribus nutritiis febre male affectis, succurratur: inde quam primum, nec semel, detrahendus sanguis mulieri, profluentibus quoque tempestiuè mensibus, atque etiam puerperæ, quæ ritè purgatur, si fortè febris accesserit, nullo menstruorum vel lochiorum suppressionis metu; quippe quæ non ex eo promanent fonte, ex quo deriuatur febrilis sanguis, superiorque sit arte natura, quæ locis subest, & opituletur ei vis illa, quæ corpus vniuersum regit, huius phlebotomiæ præsidio munita, vtrum menses, & lochia profuant copiosius. Non eadem commoda præbet ad malleolum incisa Saphena, angustior est, longiori à corde distita intervallo, nec illa adeo

A ij

commodè secatur, priuatas duntaxat exhaurit sedes, vt vni-
uerso corpori, febre continua laboranti, subuenire nequeat.

*Ergo incipiente febre continua, vnà erumpentibus statâ
periodo mensuris, Basilica potius quàm Saphena
secanda?*

Proponebat Lutetiæ NICOLAUS BRAIER,
Castrithiericus, Anno R. S. H. M. DC. XXVIII.

*cette thèse est la 713^e du tome IV in-8^{vo}
des thèses de la faculté.*

